

Nappaatit tamanut ulorianartut pillugit Namminersorlutik Oqartussat nalunaarutaat

Nappaatit tunillaassortut akiorniarlugit iliuitsit pillugit Inatsisartut inatsisaanni nr. 31, 13. juni 2023-meersumi § 2, imm. 5 aamma § 45, imm. 1 naapertorlugit, aamma Nunatsinni Nakorsaaneqarfimmit innersuussutit naapertorlugit uku aalajangersarneqarput:

Nappaatit tamanut ulorianartut

§ 1. Nappaatit makku nappaatinut tamanut ulorianartunut qallunaatut, latiinerisut aamma nunat tamalaat akornanni taaguutinut ilaapput:

- 1) Kopper, Variola aamma Smallpox.
- 2) Pest, Pestis aamma Plague.
- 3) Polio, Poliomyelitis anterior acuta aamma Poliomyelitis

Imm. 2. Nappaatit makku nappaatinut tamanut ulorianartunut qallunaatut aamma nunat tamalaat akornanni taaguutinut ilaapput:

- 1) Ebola aamma Ebola virus disease.
- 2) Ekstensivt resistent tuberkulose (XDR-TB) aamma Extensively drug-resistant mycobacterium tuberculosis (XDR-TB).
- 3) Fugleinfluenza forårsaget af A(H5) aamma A(H7N9) subtyper aamma Avian influenza, A(H5) aamma A(H7N9) subtypes.
- 4) Krim-Congo hæmorrhagisk feber aamma Crimean-Congo haemorrhagic fever.
- 5) Lassa-feber aamma Lassa Fever.
- 6) Marburg-sygdom aamma Marburg virus disease.
- 7) Middle East respiratorisk syndrom (MERS) aamma Middle East respiratory syndrome (MERS).
- 8) Nipahvirus sygdom aamma Nipah virus infection.
- 9) Pandemisk influenza aamma Pandemic influenza.
- 10) Svær Akut Respiratorisk Syndrom (SARS) aamma Severe Acute Respiratory Syndrome (SARS).

Nalunaaruteqartarnermut aqqissuussineq

§ 2. Peqqissaanermik suliaqartut akuerisat inuinnaallu imaluunniit suliffeqarfiit, laboratoriami misissueqqissaanermik ingerlatsisut, § 1-imi nappaatit taakkartorneqartut pillugit paasisaqareernerup kingorna piaartumik Nunatta Nakorsaaneqarfianut nalunaarutigissavaat.

Imm. 2. Imm. 1 naapertorlugu nalunaarutiginninneq paasissutissanik pisariaqartunik imaqassaaq Nunatta nakorsaanerata nalunaarutiginninneq naamattumik malinnaaviginiassammagu.

Atuutilersitsinermut atorunnaarsitsinermullu aalajangersagaq

§ 3. Nalunaarut 8. august 2023-mi atuutilissaaq.

Imm. 2. Ilutigisaanik Nappaatit inunnut nalinginnaasumik ulorianartut pillugit Namminersorlutik Oqartussat nalunaarutaat nr. 22, 30. juuni 2022-mersooq atorunnaarsinneqarpoq.

Namminersorlutik Oqartussat, ulloq 4. august 2023

Mimi Karlsen (atsior.)

Peqqissutsimut Naalakkersuisoq

/ Nike Berthelsen (atsior.)

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut